

ՈՒՐՖԱՅԻ 1915 ԹՎԱԿԱՆԻ ՀԵՐՈՍԱՄԱՐՏԻ ՊԱՏՄՈՒԹՅՈՒՆՆԵՑ

Ռ. Օ. ՍԱՀԱԿՅԱՆ

1915 թ. գարունը ճակատագրական դարձավ հայ ժողովրդի համար։ Երիտթուրքերը սկսեցին ոչնչացնել Թուրքիայի տարածքում բնակվող հայերին։ Մինչ այդ բանակ զորակոչեցին հայ երիտասարդ ու միջին տարիքի տղամարդկանց, ապա, առանձին խմբերով հեռացնելով, անխնա կոտորեցին։ Երիտթուրքերը կամ «քաղցած գայլերը»¹ ինչպես նրանց որակել էր Կ. Պոլսի գերմանական դեսպան կոմս Վոլֆ Մետերնիխը², դաժան հաշվեհարդար տեսան նաև հայ մտավորականության հետ։ Այնուհետև սրի քաշեցին խաղաղ բնակիչներին՝ կանանց, երեխաներին և ծերերին։ Համընդհանուր այս կոտորածի ժամանակ, այնտեղ, որտեղ քիչ թե շատ հնարավոր էր, հայերը դիմեցին ինքնապաշտպանության, փրկելու իրենց կյանքն ու պատիվը։ Անձնուրացորեն և քաջաբար պաշտպանվեցին Վանի, Շապին Կարահիսարի, Սասունի և մի շարք այլ վայրերի բնակիչները։

Թուրք շարդարարների դեմ հերոսական ինքնապաշտպանության դիմեցին Ուրֆա քաղաքի հայերը, որտեղ 100000 բնակչությունից 35000-ը հայեր էին³։

Քաղաքը 1915 թ. գարնանից վերածվել էր համակենտրոնացման ճամբարի և աքսորավայրի⁴։ Ամեն օր, առանց դադարի Արևմտյան Հայաստանի տարբեր քաղաքներից տարագիրների քարավանները անցնում էին Ուրֆայով⁵։ Այս ամենը, ինչպես գրում էր Ուրֆայի գերմանական միսիայի աշխատակից Բրունո էքարտը, նպատակ ունեւր հայերին տանջալից սովամահության դատապարտել Միջագետքի անապատներում⁶։ Հայերի նկատմամբ գործադրված բռնությունների մասին է վկայում նաև ամերիկյան միսիայի տնօրեն Լեսլին Հալեպի ամերիկյան հյուպատոս Ջակսոնին ուղղված նամակում⁷։

¹ «Պատմա-բանասիրական հանդես», 1985, № 3, էջ 72։

² Հայ ժողովրդի պատմություն. հ. 6, Երևան, 1981, էջ 572։ Տե՛ս նաև ՀՍՍՀ ՊԿՊԱ, ֆ. 314, ց. 8, դ. 4, ք. 4։ Հստ Յո՛ւ. Լեփսիուսի՝ քաղաքի հայերի թիվը կազմել է 25900 (տե՛ս Bericht über die Lage des Armenischen Volkes in der Türkei. 1916, S. 298. նաև Der Todesgang des Armenischen Volkes in der Türkei während des Weltkrieges. Potsdam, 1919, S. 305. Հստ մեկ այլ աղբյուրի, Ուրֆայի բնակչությունը կազմել է 50000, իսկ հայերը՝ 20000 (Տե՛ս Maria Sick Ingeborg. Karren Jeppe. Im Kampf um Volk in Not. Stuttgart, 1929, S. 77). Հստ Թուրքականի՝ հայերի թիվը եղել է 18700 (Տե՛ս Karmuran Gürün. The Armenian File. The Myth of Innocence Exposed. London, 1985, p. 96).

³ H. W. Glockler. Interned in Turkey (1914—1918). Lebanon, Sevan Press, 1969, p. 25. Տե՛ս նաև ՀՍՍՀ ՊԿՊԱ, ֆ. 227, ց. 1, դ. 478, ք. 13, ֆ. 57, ց. 5, դ. 106, ք. 7։

⁴ Զվիցերացի հայասեր Յազուպ Քյունցլեր իր հայանպաստ գործունեության 40-ամյակի առթիվ. Պեյրուք—Հայեպ, 1946, էջ 71։ Jakob Künzler. Dreißig Jahre Dienst am Orient. Basel, 1933, S. 53. Տե՛ս նաև İda Alameddin. Papa Kuenzler and the Armenians. London, 1970, p. 64.

⁵ Bruno Eckart. Meine Erlebnisse in Urfa. Potsdam, 1922, S. 7.

⁶ Armenian Review. Spring 1984, vol. 37, № 1, Boston, p. 112. Տե՛ս նաև Deutschland und Armenien 1914—1918. Sammlung diplomatischer Aktenstücke. Herausgegeben und eingeleitet von Dr. Johannes Lepsius. Potsdam, 1919, S. 225. Геноцид армян в Османской империи. Сборник документов и материалов, под редакцией М. Г. Нерсисяна, Еревана, 1983, с. 381.

Տարագիրներին ուղեկցող ժանդարմները անմիջական մասնակցություն էին ունենում հայերի թալանին և կողոպուտին:

Արստրված հայերի թալանը և կողոպուտը շարունակվում էր նաև Ուրֆայում⁷։ «Ուրֆայի մեջ արստրականները ամեն տեսակ վայրագությանը կ'ենթարկվեին... կիներ, աղջիկներ վաճառել, երեխաներ փախցնելը սովորական կը դառնար», — վկայում էր արստրական հայուհիներից մեկը⁸։ Ամերիկյան միսիոներ Լեսլին վկայում էր, որ քաղաքի մահմեդականների տներում գրեթե չկարելի էր 500-ից ավելի առևանգված հայ կանայք և աղջիկներ, որոնցից շատերին հետագայում դուրս էին շարժում. բացի այդ, սովորական երևույթ էր դարձել այս աղջիկներին փողոցներում բացահայտ անարգելը⁹։

Դերմանացի ականատեսը վկայում էր, թե ինչպես թուրքերը Ուրֆայի մոտ գտնվող գյուղերից մեկի հայ կանանց հարկադրել էին մերկանալ և այդպես քայլել 40 աստիճանի հասնող կիզիչ արևի տակ¹⁰։

Քաղաքում հավաքված տարագիրները գտնվում էին ահավոր հակասանդուհի տարական պայմաններում։ Այդ էր պատճառը, որ Ուրֆայում սաստկացող տարրեր վարակիչ հիվանդություններով տառապողների թիվը հասնում էր 60000-ի¹¹։ Կաթողիկոս Դևոթ Ե-ին ուղղված նամակներից մեկում խնդրվում էր հնարավորին չափ արագ օգնություն ցույց տալ մի շարք վայրերի գաղթականներին, այդ թվում նաև Ուրֆայի, հակառակ դեպքում նրանց սովամահություն էր սպառնում¹²։

Ուրֆայում տարագիրներից կաղմվում էին նոր քաղաքացիներ, որից հետո նրանց քշում էին Միջագետքի անապատները։ Քաղաքից դուրս եկող ճանապարհին, այստեղ և այնտեղ թափված էին բազմաթիվ դիակներ¹³։

Չնայած ոստիկանական և զինվորական ուժեղ հսկողությանը, քաղաքի հայերը ձգտում էին ամեն կերպ թևաօգնել տարագիրների վիճակը՝ նրանց տալով հագուստ, ուտելիք և դեղորայք։ Հնարավորության դեպքում աշխատում էին թաքցնել նրանց իրենց տներում։

Տեսնելով թուրքական իշխանությունների դաժան և անողորմ վերաբերմունքը, Ուրֆայի հայ բնակչության ներկայացուցիչները ժողով գումարեցին, սպառնալից իրավիճակը քննարկելու համար։ Որոշվեց անմիջական գործողությունների չդիմել, իշխանություններին առիթ չտալու համար, այլ սպասել տեղահանման հրամանին։ Նրանց երկյուղը տեղին էր, որովհետև, ինչպես նշելում էր Բ. էքարտը, թուրքերը եռանդուն կերպով առիթ էին փնտրում Ուրֆայի հայերին նույնպես արստրելու համար¹⁴։ Այդ պատճառով ուրֆացիները համբերատար տանում էին բոլոր անարգանքները և բռնությունները, որոնք կատարվում էին թուրքական իշխանությունների կողմից, վկայում էր օտար-երկրացի ականատեսը։

Իշխանությունները հունիսի 25-ին երկու ժամվա ընթացքում ձերբակալեցին 100-ից ավելի նշանավոր հայերի, ինչպես նաև ժողովի մասնակիցներին¹⁵։ Ձերբակալությունից հաջորդվեց խուսափել քչերին, այդ թվում նաև

⁷ Ե. Զարենցի անվան գրականության և արվեստի թանգարան. Լևոն Մեսրոպի ֆոնդ, գ. 76, ք. 2, Տե'ս նաև ՀՍՍՀ ՊԿՊԱ, ֆ. 227, ց. 1, գ. 487, Բ. 22։

⁸ ՀՍՍՀ ՊԿՊԱ, ֆ. 227, ց. 1, գ. 487, Բ. 13։

⁹ Armenian Review. Spring 1984, vol. 37, № 1, p. 115.

¹⁰ Germany, Turkey and Armenia. A selection of documentary evidence relating German and other sources. London. 1917, p. 102.

¹¹ J. Künzler. Im Lande des Blutes und der Tränen. Erlebnisse in Mesopotamien während des Weltkrieges. Potsdam, 1921. S. 17. Տե'ս նաև ՀՍՍՀ ՊԿՊԱ, ֆ. 327, ց. 1, գ. 478, Բ. 13։

¹² ՀՍՍՀ ՊԿՊԱ, ֆ. 57, ց. 5, գ. 31, Բ. 49։

¹³ I. Alameddine. Op. cit., p. 64; Deutschland und Armenien..., S. 131.

¹⁴ B. Eckart. Op. cit., S. 7.

¹⁵ H. W. Glockler. Op. cit., p. 25; Արամ Սահակյան. Դյուցազնական Ուրֆայ և իր հայրերը. ՊԵՏԻՔ, 1953, էջ 764։ Տե'ս նաև H. W. Glockler. Op. cit., p. 27։

Մկրտիչ Յոթնեղբայրյանին, որին հետագայում վիճակված էր գլխավորել Ուրֆայի հերոսական ինքնապաշտպանությունը:

Շուտով երիտթուրքական իշխանությունները 1500 ուրֆացի հայ երիտասարդների ուղարկեցին այսպես կոչված «թիկունքային աշխատանքներ»¹⁶: Միաժամանակ հայերից պահանջվեց հանձնել իրենց մոտ եղած զենքեր: Շրջնորհիվ Մ. Յոթնեղբայրյանի եռանդուն գործունեության, նրանք հանձնեցին միայն հին զենքեր և որսորդական հրացաններ:

Օգոստոսի սկզբներին Ուրֆա ժամանեցին «Միություն և առաջադիմություն» կուսակցության ներկայացուցիչներ Ահմեդ և Նալիլ բեյերը, «Երկու սարսափելի հյուրեր», ինչպես նրանց որակել էր գերմանական միսիայի աշխատակիցներից մեկը¹⁷: Նրանք ունեին Կ. Պոլսից ստացված հատուկ հրահանգներ, որոնց էությունը շուտով պարզ դարձավ: Ահմեդ բեյը աչքի էր ընկել Վանի կոտորածների ժամանակ և հայտնի էր «Զերքեզ Ահմեդ» անունով¹⁸: Այս երկուսը իրենց ձեռքում կենտրոնացրեցին քաղաքի ողջ իշխանությունը, որը է՛լ ավելի սրեց իրադրությունը¹⁹: Նրանք էին, որ կազմակերպեցին և անմիջական մասնակցություն ունեցան Գրիգոր Զոհրապի և Վարդգեսի սպանությունը: Նրանց հրամանով և մասնակցությամբ, Ուրֆայից ոչ հեռու, անգթաբար կոտորվեցին բանակ զորակոչված 1500 ուրֆացի երիտասարդներ²⁰: Այդ բռնության հաջորդվեց փրկվել միայն երկու հոգու, որոնք այդ աղետաբեր լուրը բերեցին Ուրֆա: Գերմանացի ականատեսը վկայում էր. «Հայկական թաղամասում տնից տուն մի սարսափելի լուր անցավ... Քաղաքից դուրս ոստիկանները կոտորել էին բոլոր հայ բանվորներին»²¹:

Դրանից հետո իշխանությունները ավելի խստացրին հայկական թաղամասի հսկողությունը: Տների խուզարկությունները տեղի էին ունենում ամեն օր՝ ուղեկցվելով ոստիկանական կամայականություններով²²: Օգոստոսի 19-ին, խուզարկություններից մեկի ժամանակ, չհանդուրժելով ոստիկանական բռնությունը, հայերը զենքի դիմեցին, ինչը և ազդանշան հանդիսացավ, որպեսզի երիտթուրքական իշխանությունները սկսեն հայերի կոտորածը:

Գերմանական միսիայի աշխատակից Յակոբ Կյունցլերը վկայում էր, որ Ահմեդ և Նալիլ բեյերը հրահրեցին խաժամուժին սկսելու կոտորածը՝ գոչելով. «Կորչեն գյավուրները (անհավատները), ինչո՞ւ եք դանդաղում»²³: Մահմեդական ամբոխը, զինված մահակներով, դաշույններով և այլ զենքով, հանկարծակի հարձակվեց ոչինչ չկասկածող անմեղ ու անպաշտպան, իրենց առօրյա գործերով զբաղված հայերի վրա: Սկսվեց կոտորածը: Անգլիացի ականատեսը գրում էր. «Փանատիզմով ցնորված խաժամուժը արյուն էր տենչում»²⁴: Նրբ հայերից մեկը «գնություն խնդրեց Զերքեզ Ահմեդից, վերջինս դուրս քաշեց ատրճանակը, կրակելով նրա վրա, ասաց, «Կարեկցելով քեզ, հայ շուն»²⁵: Այդ

¹⁶ Ա. ր. ա. մ. Ս ա հ ա կ յ ա ն. Նշվ. աշխ., էջ 783:

¹⁷ B. Eckart. Op. cit., S. 10.

¹⁸ Rafael de Nogales. Four Years Beneath the Crescent. New York—London, 1926, p. 74.

¹⁹ Armenian Review. Spring 1984, vol. 37, № 1, p. 111.

²⁰ J. Künzler. Op. cit., S. 17. Տե՛ս նաև՝ ՀՄՄՀ ԳԿԳԱ, ֆ. 314, ց. 8, գ. 7, թ. 7:

²¹ B. Eckart. Op. cit., S. 15. Տե՛ս նաև M. S. Ingeborg. Op. cit., S. 133.

²² The Treatment of Armenians in Ottoman Empire, 1915—16. Documents presented to Grey of Fallodon by Viscount Bryce; with a pref. Viscount Bryce. 1916, p. 528. Armenian Review. Spring 1984, vol. 37, № 1, p. 88. Տե՛ս նաև B. Eckart. Op. cit., S. 8.

²³ J. Künzler. Im Lande des Blutes, S. 22—23. Տե՛ս նաև B. Eckart. Op. cit., S. 13. Deutschland und Armenien..., S. 225.

²⁴ H. W. Glockler. Op. cit., p. 29

²⁵ J. Künzler. Im Lande des Blutes, S. 26.

օրը զոհվեցին 200-ից ավելի հայեր²⁶։ Լենգլիական «Թայմսը» իր հոդվածներին մեկում անդրադառնալով Ուրֆայում ստեղծված իրադրությունները, գրում էր. «Ուրֆայի փողոցները տառացիորեն ողողված էին արյունով»²⁷։ Ֆրանսիացի ականուտները նշում էր, որ մի գերմանացի, կոտորածից հետո, լուսանկարում էր հայերից «խլված» հրացանները և որոշ ժամանակ անց թուրքական մամուլում հայտնվեց մի լուսանկար, հետևյալ մակագրությամբ. «Հրացաններ, որ հայերը գործածել են թուրքերու դեմ»²⁸։

Ուրֆացիները վճռեցին դիմել ինքնապաշտպանության։ Թաքստոցներից դուրս բերվեցին պահված դենքն ու դինամիտները։ Ինքնապաշտպանությունը ղեկավարելու համար ստեղծվեց Զինվորական խորհուրդ, որի մեջ մտան Մկրտիչ Յոթնեղբարյանը, Հարություն Իմիրզյանը, Լևոն Էղբերկերյանը, Հարություն Ռաստելեյանը, Արմենակ Աթթարյանը և հորեն Բյուփեյյանը։ Խորհրդի ղեկավար ընտրվեց Մ. Յոթնեղբարյանը, Ուրֆայի ինքնապաշտպանության ղեկավարը²⁹։ Կազմակերպվեցին նաև պարենամթերքի հայթայթման ծառայություն, դինրի և զինամթերքի պատրաստման և վերանորոգման արհեստանոց, ինչպես նաև բուժօգնություն։ Տարիքավորներին հանձնարարվեց հետևել թաղամասի ներքին կարգ ու կանոնին։ Հայ ինքնապաշտպանների թիվը, ըստ գերմանական հյուպատոսական աղբյուրների, կազմել էր 2000 մարդ³⁰, ըստ մեկ այլ աղբյուրի՝ 800 մարդ³¹։ Նրանց հիմնական մասը կազմում էին պատանիներ և աղջիկներ³²։

Շնորհիվ Մ. Յոթնեղբարյանի եռանդուն գործունեության, ուրֆացիները ապահովված էին բավարար քանակությամբ զենքով։ Միայն Հալեպի զորանոցից նրան, իր ընկերների հետ միասին, հաջողվել էր դուրս բերել 103 հրացան³³։

Սեպտեմբերի 29-ին ոստիկանությունը շրջապատեց բանվորական գումարտակի կոտորածից փրկված երկու հայ երիտասարդների տունը, նրանց իրեն դասալիքների ձերբակալելու համար։ Վերջիններս կռվի մեջ մտան, մի քանի ոստիկան սպանվեց։

Այս ընդհարումն առիթ հանդիսացավ սկսելու Ուրֆայի հերոսական ինքնապաշտպանությունը։ Սկսեցին ղողանջել քաղաքի հայկական եկեղեցու զանգերը՝ ի դեմ կոչելով Ուրֆայի հայերին։ Անգլիացի ականատեսը գրում էր. «...հայկական մեծ եկեղեցու զանգը սկսեց հնչել։ Նրբեր չեմ մոռանա այս հնչյունի ներգործությունը մեզ վրա։ Այն իսկական տաքնապաղանգ էր»։ Նա սիածածանակ նշում էր, որ հնչող զանգը «...պարզորեն ասում էր, որ հայերը գիտակցում են, որ կռվելու են մինչև վերջ...»³⁴։

Հայկական թաղամասն արագորեն ծածկվեց բարիկադներով և ամրություններով։ Այն բաժանվեց 6 պաշտպանական շրջանների 32 դիրքերով³⁵, փակվեցին դեպի հայկական թաղամասը տանող 12 փողոցների մուտքերը³⁶։

²⁶ Deutschland und Armenien..., S. 143, 225; J. Künzler. Im Lande des Blutes, S. 23; B. Eckart. Op. cit., S. 13; J. Lepsius. Der Todesgang, S. 299; H. W. Glockler. Op. cit., p. 30.

²⁷ Deutschland und Armenien..., S. 171. Геноцид..., с. 364.

²⁸ «Հայրենիք», Բոստոն, սեպտեմբեր, 1937, № 11, էջ 66։

²⁹ J. Künzler. Im Lande des Blutes, S. 46.

³⁰ Deutschland und Armenien..., S. 177; С. Степанян. Армения в политике империалистической Германии (конец XIX—начало XX века). Ереван, 1975, с. 131.

³¹ ՀՍՍՀ ՊԿՊԱ, ֆ. 314, ց. 8, գ. 4, թ. 3 (հտ.)։

³² «Երիտասարդ Հայաստան», Զիկադո, 23 հոկտեմբերի 1918, № 50։

³³ Հուկոթի Հիսալան. Դյուցազնական հայրերին. Մկրտիչ Յոթնեղբարյան. Արենք, 1937, էջ 79, Տե՛ս նաև I. Alamuddin. Op. cit., p. 66.

³⁴ H. W. Glockler. Op. cit., p. 39.

³⁵ Արամ Սահակյան. նշվ. աշխ., էջ 917։

³⁶ M. S. Ingeborg. Op. cit., S. 134.

Դիրքերը մեկը մյուսի հետ կապվեցին ստորգետնյա անցուղիներով: Ինքնապաշտպանության համար մեծ նշանակություն ունեցան հայկական թաղամասերը, որ հայկական թաղամասը ավելի բարձր էր գտնվում թուրքականից:

Ինքնապաշտպաններից մեկը դիմելով թուրքերին, գուցե. «Մահմեդականներ, դուք մեզ հուսահատության հասցրեցիք, կառավարությունը մեզ լավաբույս օրեր էր խոստացել: Դրանք բոլորը խաբեություն է և սուտ: Մեր գինեգործները անարգվել են, նրանց եղբայրները և հայրերը սպանվել են, կանաչ լեռներին հայտնաբերվել...: Մենք լսել ենք մեր մարդկանց նենգադավաճարդասպանության մասին: Սակայն մենք թույլ չենք տա մեզ ոչխարի նման մորթել: Զենքը ձեռքներին, մեր կյանքը թանկ կվաճառենք»³⁷:

Մինչև կանոնավոր զորքի ժամանումը երիտթուրքական իշխանությունները բոլոր հանեցին շրջակայքի մահմեդական բնակչությանը: Ականատեսը գրում էր. «Երկրորդ օրը (սեպտեմբերի 30-ին—Ռ. Ս.) առավոտյան, մենք տեսնեք դինված մարդկանց խմբեր. ոմանք ձի հեծած, բոլոր ուղղություններից գալիս էին դեպի քաղաք... Նրանց նպատակը կողոպուտն ու թալանն էր»³⁸. Միայն առաջին օրերին, այս խաթամուծին տրվեց 500 հրացան և 60000 փամբուրտ³⁹. Ստանալով համալրում, հոկտեմբերի 1-ին հակառակորդն անցավ հարձակման և գրավեց հայ կաթոլիկների ստրատեգիական կարևոր նշանակություն ունեցող եկեղեցին: Մ. Յոթնեղբայրյանը, իր ջոկատի գլուխն անցած, ինքնաշեն նռնակներով, անակնկալ գրոհեց թշնամու վրա: Հակառակորդը փախուստի դիմեց՝ կորցնելով 800 մարդ⁴⁰:

Առաջին հաղթանակը մեծ ոգևորությամբ ընդունվեց հայերի կողմից: «Կեցցեններն ու երգերը կթնդային ամեն կողմից»,— վերհիշում էր ականատեսներից մեկը⁴¹:

Հոկտեմբերի 2-ի լույս 3-ի գիշերը թշնամին անցավ հարձակման Հայր Աբրահամ կոչված թաղամասի վրա, որի պաշտպանությունը գլխավորում էր Հալուլյան Ռասուլբեկյանը: Եզրագործելով ուժերի գերազանցությունը, հակառակորդը, հաշվի չառնելով սեփական կորուստները, համառորեն մոտենում էր հայկական դիրքերին: Մ. Յոթնեղբայրյանը և Հ. Ռասուլբեկյանը որոշում են կեղծ նահանջ կատարել, թույլ տալով նրանց մտնել հայկական թաղամաս, ապա հարձակվել թիկունքից և ջախջախել: Մահմեդական խաթամուծը տեսնելով, որ հայերը լքել են դիրքերը, ներխուժեցին թաղամաս և սկսեցին թալանել շրջակա տները: Օգտվելով կողոպուտով զբաղված թշնամու անհոգությանից, հայ մարտիկները հարձակման անցան, ոչնչացնելով մոտ 1200 մարդ⁴²: Այս մարտում աչքի ընկած խանում Քեթենճյանը և Մարիամ Զիլինկիրյանը պարգևատրվեցին ղեկավարելով: Հետագայում կանանցից և աղջիկներից կազմվեցին երեք մարտական ջոկատներ, թվով 200 հոգի⁴³:

Թշնամու կորուստները այնքան մեծ էին, որ նա երկու օր շարունակ ոչ մի ակտիվ գործողության չդիմեց, այլ բավարարվեց քաղաքի բերդից հայկական թաղամասի ուժերի դեմ, որը մեծ վնաս չպատճառելով, միայն որոշ խուճապ առաջացրեց բնակչության մեջ: Զինվորական խորհրդի կողմից ձեռնարկված միջոցառումները հանգստացրին ժողովրդին: Թշնամու թնդանոթները հին տեսակի էին և այդ պատճառով նրանց արկերի վնասը այնքան էլ մեծ չէր: Բացի այդ, հայերին հաջողվում էր ոչնչացնել թուրք հրետանավորներին: Հատկապես աչքի ընկավ Մ. Յոթնեղբայրյանի եղբայրը՝ Սարգիսը, որը իր դիպուկ

³⁷ B. Eckart. Op. cit., S. 20; M. S. Ingeborg. Op. cit., S. 133; Աբրահամ Սահակյան. նշվ. աշխ., էջ 818:

³⁸ H. W. Glockler. Op. cit., p. 40.

³⁹ «Հայրենիք». Նոյեմբեր, 1926, № 1, էջ 110:

⁴⁰ Armenian Review. Spring 1984, vol. 37, № 1, p. 134.

⁴¹ Աբրահամ Սահակյան. նշվ. աշխ., էջ 826:

⁴² Armenian Review. Spring 1984, vol. 37, № 1, p. 134.

⁴³ ՀՍՍՀ ՊԿՊԱ. ֆ. 314, ց. 8, գ. 4, թ. 5 (հտ):

նշանառության համար ստացել էր «Աստծու բիր» մականունը՝ Հայերի անվերևյալ նշանառության մասին վկայում էր Յ. Կյունցլերը. «Յուրաքանչյուրը, ով... դուրս էր նայում (դիրքերից—Ռ. Ս.) դո՛հ էր դառնում հայերի դիպուկ կրակոցներին»⁴⁴։

Հոկտեմբերի 6-ին, մի խումբ հայեր, Մ. Յոթնեղբարյանի գլխավորությամբ փորձեցին ոչնչացնել Հայկաից Ուրֆա բերվող հրետանին, սակայն այդ չհաջողվեց իրականացնել։ Նրանց այդ հանդուգն հարձակումը մեծ իրարանցում առաջացրեց հակառակորդի մեջ և միայն մոթն ընկնելուց հետո, երբ մասնակց Հայկաի ռազմական պարետը՝ Ֆահրի փաշան, մի քանի հարյուր ղինվորներով, թուրքերը համարձակվեցին հրետանին կամ «մարդասպանության գործիքը», ինչպես որակել էր Յ. Կյունցլերը, բերել քաղաք⁴⁵։ Մինչև հոկտեմբերի 12-ը Ուրֆա բերվեցին 3 գումարտակ, երկու 120 մմ տրամաշափի հատից և երկու դաշտային թնդանոթ⁴⁶։

Թուրքերը հայերի դեմ կենտրոնացրեցին մոտ 11000 զինվոր⁴⁷, որից 6000-ը՝ կանոնավոր զորք⁴⁸, 600-ը՝ Սրուճի Սուլեյման բեկի մարդիկ⁴⁹ և մընացածը՝ շրջակա մահմեդական բնակչության թվից։ Թուրքական շտաբի պետն էր գերմանացի սպա Վոլֆսկեհլ ֆոն Ռայխսներգը, որը մասնակցել էր Մարաշի և Զեյթունի խաղաղ բնակչության ոչնչացմանը⁵⁰։ Թուրքերին օգնում էր ազգությամբ վենեսուելացի, գերմանական բանակի սպա Ուֆայել դե Նոգալեսը, որը ես այդպիսի գործում հարուստ «փորձ» ուներ։ Այդ արկածախնդիր անձնավորությունը մասնակցել էր Վանի մարտերին՝ ղեկավարելով թուրքական հրետանին⁵¹։

Չնայած թշնամու քանակական գերազանցությանը, սկզբնական շրջանում հայերին հաջողվում էր հետ մղել նրա բոլոր գրոհները⁵²։

Թշնամու մեծ կորուստների մասին է վկայում Յ. Կյունցլերը, որը նշում էր, որ Ուրֆայի գերմանական հիվանդանոցը լիս լեցուն էր թուրք վիրավորներով, որոնցից մեկը պատմել է նրան, թե ինչպես 23 զինվորներով հարձակվել էին հայկական դիրքերից մեկի վրա, որից հետո կենդանի էին մնացել միայն 5 զինվոր, բոլորն էլ վիրավոր⁵³։

Հայերն անձնազոհարար մարտնչում էին թշնամու դեմ, գիտակցելով, որ միայն այդ կերպ կարող են արժանի հակահարված տալ արյունարբու ոսոխին։ Շեռառի աղջիկները, մահվան վրա խնդալով, զինվորներուն (թուրք—Ռ. Ս.) Լպողային... Տեսեք, մենք կ'երգենք, տեսեք, մենք կը զվարճանանք»⁵⁴։ Հայերի անզիջում և համառ դիմադրության մասին է վկայում գերմանական հյուպատոսներից մեկի հոկտեմբերի 9-ի զեկույցը. «Թուրքական զորքերի առաջխաղացումը չնչին է»⁵⁵։

Ինքնապաշտպանական մարտերում աչքի ընկան նաև առանձին անհատներ, որոնց մասին մեղ տեղեկություններ են թողել տարբեր օտարերկրացիներ։

⁴⁴ J. Künzler. Im Lande des Blutes, S. 41; I. A l a m u d d i n. Op. cit., p. 66.

⁴⁵ Նույն տեղում, էջ 44։

⁴⁶ Deutschland und Armenien..., S. 177—178.

⁴⁷ «Հայրենիք», նոյեմբեր, 1926, № 1, էջ 110։

⁴⁸ Լ ու թ ե ռ. Ուրֆայի հերոսամարտը. Բեյրութ, 1933, էջ 87։ Տե՛ս նաև՝ Yves Ternon. The Armenians. History of a Genocide. N. Y., 1981, p. 246; M. S. Ingeborg. Op. cit., p. 135.

⁴⁹ «Հայրենիք», նոյեմբեր, 1926, № 1, էջ 110։

⁵⁰ R. de Nogales. Op. cit., p. 153.

⁵¹ Նույն տեղում, Ն ու յ Ն ի՝ Memoirs of Soldiers of Fortune. N. Y., 1932.

⁵² J. Künzler. Im Lande des Blutes, S. 41.

⁵³ Նույն տեղում, էջ 45։

⁵⁴ «Հայրենիք», սեպտեմբեր, 1937, № 11, էջ 67։

⁵⁵ Deutschland und Armenien..., S. 164. Տե՛ս նաև՝ J. Künzler. Im Lande des Blutes, S. 41.

նրանցից մեկը՝ Ն. Դուբլերը, նկարագրում էր, թե ինչպես մի հայ մարտիկ, կռիվ մեջ մտնելով գերազանց թվով թշնամու հետ, մեծ կորուստներ էր պատճառում նրանց։ Թուրքերն ամեն գնով ձգտում էին ոչնչացնել այդ վտանգավոր դիրքը։ Նվ հոր հրետանին քաղաք բերվեց, թշնամին այն առաջին հերթին օգտագործեց այդ դիրքը ոչնչացնելու համար⁵⁶։

Հայերի դիմադրությունից գազազած, թուրքական հրամանատարությունն անխնա ուժերով հաղթում էր հայկական թաղամասը⁵⁷։ Միայն Մայր եկեղեցին ու շրջակայի համար թշնամին արձակեց 500-ից ավելի արկ⁵⁸։ Հերոսամարտ վերջում, հայկական թաղամասի 2300 տնից միայն 50-ն էին կանգուն մնացել⁵⁹։ Յահրի փաշան մի բանի անգամ առաջարկեց հայերին հանձնվել, խոստանալով կյանքն և գույքի ապահովություն, սակայն հայերն ամեն անգամ մերժում էին՝ քաջ գիտենալով նման խոստումների իրական արժեքը։ Յ. Կյունցլերը, անդրադառնալով փաշայի այս առաջարկություններին՝ գրում էր, որ հայերը չէին կարող հույս դնել թուրքական ներողամտության վրա⁶⁰։ Նա նշում էր, որ հանձնվելու դեմ հատկապես հանդես էին գալիս հայ կանայք և աղջիկները, որոնք գերադասում էին «ավելի շուտ կռվելով զոհվել, քան կորցնել իրենց պատիվը և սովից մեռնել»⁶⁰։ Այն բանից հետո, երբ թշնամին բարուբանդ արեց բոլոր փրկված, հայերն ամրացան ամերիկյան բարեգործական միսիայի շենքում և Մայր եկեղեցում։

Մինչ այդ փորձ արվեց ճեղքել հակառակորդի պաշարման օղակը, որը, սակայն, չհաջողվեց: Ինքնապաշտպանների կորուստները բավականին մեծ էին. լուսվել էին ինքնապաշտպանութան ղեկավարները, վիրավորված՝ Մ. Յոթնեղբայրյանը շարունակում էր ղեկավարել կռիվները՝ կոչ անելով իր մարտական ընկերներին տոկալ և դիմանալ⁶¹:

Չնայած հայերի անձնագրո՜հ պայքարին, ինքնապաշտպանութիւնն աստիճանաբար մոտենում էր իր վախճանին: Մարտերն, ըստ որոշ աղբյուրների, ավարտվել են հոկտեմբերի 15-ին կամ 16-ին, իսկ ըստ այլոց՝ 23-ին կամ 24-ին: Ինքնապաշտպանները, թաքնվելով տների նկուղներում, փլատակնեւում և թաքստոցներում, դիմադրեցին մինչև նոյեմբերի կեսերը⁶²:

Մ. Յոթնեղբարյանը թշնամու ձեռքը շրկնելու համար ինքնասպանություն գործեց: Նրա օրինակին հետևեցին շատ ուրիշներ⁸³:

Կենդանի մնացածներին թուրքերը և քրդերը կոտորեցին քաղաքում։ Մի մասին ոչնչացրին Ուրֆայից ոչ հեռու⁶⁴, 300-ից ավելի տղամարդկանց 600 ռտնաչափ բարձրությամբ ունեցող քարափից ցած գլորեցին, իսկ մի մասին ուղանկեցին՝ գլուխները քարերով ջախջախելով⁶⁵, 42 հոգու (ըստ այլ տեղեկությունների՝ 120 հոգու—Ռ. Ս)⁶⁶ քաղաքում կիսաաղան բարձրացրեցին, իսկ 140 հոգու ուղարկեցին Հայեպ «դասերում»⁶⁷։

⁵³ H. W. Glocker. *Op. cit.*, p. 44—45.

⁵⁷ B. Eckart, *Op. cit.*, S. 26.

58 2002 4444, §. 314, п. 8, ч. 40, п. 8:

⁵⁹ J. Kunzler. Im Lande des Blues, S. 108.

⁶⁰ J. Künzler. *Dreißig Jahre Dienst*, S. 67; *ḥ, n l, ḥ ḥ* Im Lande des Blutes, S. 46.

⁶¹ M. S. Ingeborg. Op. cit., p. 135.

⁶² Deutschland und Armenien..., S. 178, 194; B. Eckart. Op. cit., S. 28; *Ա. Մանգլյան. Դրուցական Ուրֆան, էջ 837, չ. 6, էջ 873*; Deutschland und Armenien..., S. 226; J. Künzler. Dreißig Jahre, S. 66.

⁶³ H. W. Glockler. *Op. cit.*, p. 46.

⁶⁴ B. Eckart. *Op. cit.*, S. 28; H. w. Glockler. *Op. cit.*, p. 47.

⁶¹ *Armenian Review*, Spring 1984, vol. 37, № 1, p. 134.

66 207, 4. 6, 1, 572,

67 Հենն Մեսրոպ. Աղետ և վերածնունդ. Փարիզ, 1952, էջ 127.

Հերոսամարտը արյան մեջ խեղդելուց հետո Ֆահրի փաշան, դիմելով դորքին, հայտարարեց. «...սա է դավաճանների և հեղափոխականների ճակատագիրը»⁶⁸:

Ինքնապաշտպանությունից անմիջապես հետո թուրքական իշխանությունները ձեռնամուխ եղան Ուրֆայի մնացած բնակչության՝ կանանց և երեխաների արսորմանը: Դեպքորտացիայի ենթարկվեցին 15000 մարդ⁶⁹ (ըստ Լեփսիուսի՝ մոտ 20000 մարդ—Ռ. Ս.)⁷⁰: Տարագրվածներին Ֆահրի փաշան արգելեց որևէ իր կամ կապոց վերցնել: Ընթարկվողները զնդակահարվում էին⁷¹: Տարագրման վայրը հասնելու համար արսորվածները ոտքով պետք է անցնեին 100 մղոնից ավելի ճանապարհ⁷²: Հալեպի գերմանական հյուպատոս Ռոսլերը վկայում էր, որ այս արսորվածներից միայն Հալեպում սովից և վարակիչ հիվանդություններից օրական մահանում էին 150—200 մարդ⁷³: Ականատես Ֆայեզ էլ Ղոսեյնը գրում էր. «Երբ որ մենք Ուրֆան ձգեցինք, ցնցոտիազգեստ կիներու խումբերու հանդիպեցանք, հոգնութենեն ուժասպառ, դիակներ կը ծածկեին ճամփուն երկու կողմերը»⁷⁴:

Չնայած այդ ամենին, թաքնված հայերը շարունակում էին զգալի կորուստներ պատճառել թշնամուն: Ականատես պարսիկ հուրդիդ խանի վկայությամբ միայն Լրեք գիշերվա ընթացքում թուրքերը կորցրեցին 4 սպա և 263 զինվոր⁷⁵: Ֆահրի փաշան, դուրս բերելով զորքերը հայկական թաղամասից, այն կրկին ուժակոծության ենթարկեց: Նա մեծ ճիգեր էր գործադրում, որպեսզի գերի վերջին մարտնչող հայերին⁷⁶: Սակայն թշնամուն հաջողվում էր ձեռք գցել միայն նրանց դիակները⁷⁷: Հերոսամարտից հետո հայկական թաղամասը ճանձնվեց զինվորների և մահմեդական ամբոխի թալանին⁷⁸:

Ինքնապաշտպանական մարտերի ընթացքում հայերը մեծ կորուստներ ունեցան: Մեծ էին նաև հակառակորդի կորուստները: Մեր տրամադրության տակ Լոգած տեղեկությունները հիշատակում են միայն զինվորական ուժի կորուստները, մարտերին մասնակցած մահմեդական ամբոխի հաշվի չի առնված: Այսպես, գերմանական աղբյուրների համաձայն թուրքերի կորուստները կազմել են 50 սպանված և 120-ից 130 վիրավոր⁷⁹, ըստ Բրայսի՝ 7 սպա և 400 զինվոր սպանված⁸⁰: Անգլիական հրամանատարությանը ներկայացված տեղեկից Օվսաննա Թիթոյանի տվյալներով՝ 2000 սպանված⁸¹: Հայերի կորուստների մասին որոշակի տվյալներ չկան: Միայն հայտնի է, որ մարտերից հետո հայկական թաղամասից հավաքվել է 680 տարբեր տեսակի զենք⁸², ըստ

⁶⁸ H. W. Glockler. Op. cit., p. 47.

⁶⁹ Զուիցերացի հայասեր Յագուպ Քյունցլեր, էջ 80: J. Künzler. Dreißig Jahre... S. 70; Ն ու յ ն ի՝ Im Lande des Blutes, S. 66.

⁷⁰ J. Lepsius. Der Todesgang, S. 299.

⁷¹ J. Künzler. Im Lande des Blutes, S. 46—47.

⁷² Arthur Beylerian. Les Grandes Puissance L'Empire Ottoman et les Armeniens dans les Archives Françaises (1914—1918). Paris, 1983, p. 208.

⁷³ Deutschland und Armenien... S. 178.

⁷⁴ Ֆ ա յ ե զ է լ Ղ ո ս ե յ ն. Հերոսական հայության անցյալին. Գափրե, 1960, էջ 7—8:

⁷⁵ «Հայրենիք», ղեկտեմբեր, 1926, № 2, էջ 104:

⁷⁶ B. Eckart. Op. cit., S. 29.

⁷⁷ Herbert Adams Gibbons. Armenia in the World War. N. Y., 1926, p. 5.

⁷⁸ B. Eckart. Op. cit., S. 43; H. W. Glockler. Op. cit., p. 49.

⁷⁹ Deutschland und Armenien... S. 178, 194; Ն ու յ ն ի՝ Der Todesgang, S. 299.

⁸⁰ Լ ս ռ տ Պ Ր ա յ ս. Հայկական շարժերու փաստաթղթերը. Ա մ ա ս. 4. Պոլիս, 1920.

⁸¹ 101. The Treatment of Armenians, p. 530; Y. Ternon. Op. cit., p. 246.

⁸² «Հայրենիք», ղեկտեմբեր, 1926, № 2, էջ 110:

⁸³ Երիտասարդ Հայաստան, 26 փետրվարի 1918, № 51:

⁸⁴ «Հայրենիք», ղեկտեմբեր, 1926, № 2, էջ 110:

Թուրքական տվյալների, սեփական կորուստները կազմել է 20 սպանված և 50 վիրավոր⁸⁴:

Մարտերի ավարտից անմիջապես հետո երիտթուրքական իշխանությունները սկսեցին ամեն կերպ խեղաթյուրել Ուրֆայի ինքնապաշտպանական մարտերը:

1915 թ. հոկտեմբերի 28-ին, «Նորդ Դոյչե Ալգեմայնե Ցայտունգ» թերթում հանդես եկավ Գերմանիայում թուրքական դեսպանը, որը հայերին մեղադրեց նախօրոք ծրագրված և նախապատրաստված ապստամբության մեջ, որի հիմնական նպատակն էր որքան հնարավոր էր շատ թուրքական զորամասեր հետ քաշել ռազմաճակատից՝ նպաստելով ռուսական զորքերի առաջխաղացմանը: Կառավարությունը շտապեց ի լուր ողջ աշխարհի հայտարարել. «Ենթահիվարարու ազդու միջոցներու, որ զինվորական իշխանությունները գործադրեցին, այս հեղափոխական շարժումը խեղդվեցավ...»⁸⁵:

Թալևաթ փաշան իր հուշերում մեղադրում էր Ուրֆայի հայերին՝ նախօրոք կազմակերպված ապստամբության մեջ, որին աջակցում էին օտարերկրյա պատույթյունները: «Եթե Ուրֆայի ապստամբությունը լավ քննության ենթարկվի, կադրվի, որ հայերի կողմից մասնավորապես նախընտրված էր այս քաղաքը որպես շատ կարևոր կենտրոն»⁸⁶: Նման տեսակետ էր արտահայտում երիտթուրքական մեկ այլ պարագլուխ՝ Զեմալ փաշան, որը ուրֆացիների ինքնապաշտպանությունը դիտում էր որպես զինված ապստամբություն⁸⁷: Բացի այդ, իշխանությունները հայերին մեղադրեցին մահմեդական բնակչությանը և ներկայված օտարերկրացիներին կոտորելու մեջ⁸⁸: Ուրֆացիների աքսորը երիտթուրքերը բացատրում էին հետևյալ փաստարկով. «Հարկ եղավ, որ ահոնթ (հայերը—Ռ. Ս.) տեղափոխվեն ավելի ապահով վայրեր, ուր կարելի չէ լլար արտաքին ազդեցություններու ենթարկվելու»⁸⁹:

Հետևելով երիտթուրքական ոճրագործներին՝ ժամանակակից թուրք պատմաբանները շարունակում են կեղծել Ուրֆայի ինքնապաշտպանական մարտերը: Նրանք մեղադրում են հայերին իշխանություններին չհնազանդվելու և նախահարձակ լինելու մեջ, որի հետևանքով թուրքական հրամանատարությունը ստիպված է եղել դիմել ուժի⁹⁰:

Թուրք պատմաբան Զիյա էնվեր Կարալը իր գրքովում ներկայացնում է մի լուսանկար, ուր պատկերում էին Ուրֆայի մոտ, հայերի կողմից սպանված մահմեդականները⁹¹: Ցայեզ էլ Ղոսեյնը ականատես է եղել, թե ինչպես թուրքական իշխանությունները, սպանված հայերին հագցնելով քրդական շալվազներ, լուսանկարում էին, որպեսզի հայերին մեղադրեն կոտորածներ կազմակերպելու մեջ⁹²: Թուրքական այս կեղծիքը մերկացրել է նաև Արամ Անտոնյանը⁹³:

Թուրքական մեղադրանքների անհեթեթ և անհիմն լինելը երևում է գերմանական հյուպատոսների զեկուցագրերից: Այսպես, Հալեպի հյուպատոս Ռոսլերի 1915 թ. նոյեմբերի 8-ի զեկուցագրում բերված տվյալները ամբողջ-

⁸⁴ Deutschland und Armenien..., S. 192, 195. Տե՛ս նաև՝ ՀՍՄՀ ՊԿՊԱ, ֆ. 227, ց. 1, գ. 405, թ. 40:

⁸⁵ ՀՍՄՀ ՊԿՊԱ, ֆ. 227, ց. 1, գ. 465, թ. 40:

⁸⁶ Թալևաթ փաշայի հուշերը. Երևան, 1963, էջ 74 (ձևագրի իրավունքով):

⁸⁷ Զեմալ փաշա. Հայկական հարց. Երևան, 1927, էջ 87:

⁸⁸ Deutschland und Armenien..., S. 195.

⁸⁹ ՀՍՄՀ ՊԿՊԱ, ֆ. 227, ց. 1, գ. 465, թ. 42:

⁹⁰ Documents on Ottoman Armenians, vol. 2, Ankara, 1983, p. 105.

⁹¹ Karal Ziya Enver. Question Armenian (1878—1923). Ankara, 1975, p. 26.

⁹² Ցայեզ էլ Ղոսեյն. Հերոսական հայության անցյալին, էջ 39:

⁹³ Արամ Անտոնյան. Մեծ ոճիրը. Հայկական վերջին կոտորածները և Թալևաթ փաշա. պաշտոնական հեռագրեր, լրագրերնրու ստորագրությամբ և բազմաթիվ պատկերներով. Պոսթիլն, 1921, էջ 221:

ջապես հերքում են թալևաթ փաշայի այն կեղծ մեղադրանքները, թե հայերը լուսաբանություն են ստացել օտարերկրյա պետություններից⁹⁴։ Նա միաժամանակ նշում էր, որ հայերի մոտ չեն եղել ռուսական արտադրության դեմք և զինամթերք, իսկ ինքնաշեն նռնակների համար օգտագործվող դինամիտը հայթաթվել է Բաղդադի երկաթուղու շինարարության ժամանակ։

Իսկ ինչ վերաբերում է հայերի մոտ գտնված զենքին, ապա Ռոսլերը այդ հետևյալ կերպ է բացատրում. երբ 1895 թ. թուրքերը հայկական եկեղեցում թալանեցին մոտ 1000 հայերի, այդ ժամանակից ի վեր հայերը «մշտական վախի մեջ... զենքով էին ապահովվում՝ անպաշտպան չլինելու համար»։ Նա գտնում էր, որ թուրքական իշխանությունների գործադրած միջոցները՝ արսորը, կոտորածը, թալանը և այլն, առաջ բերեցին Ուրֆայի հայերի դիմադրությունը⁹⁵, որոնք վճռեցին «ավելի շուտ զենքը ձեռքին մեռնել և իրենց կյանքը որքան հնարավոր է թանկ վաճառել, քան թույլ տալ, որ իրենց ընտանիքները ոչնչացվեն կամ անարգվեն»⁹⁶։ Ռոսլերը նշում էր, որ Ուրֆայի հայերի արսորը մինչև այդ դեպքերը վճռված չէր, բայց միաժամանակ ավելացնում էր. «Սակայն ի՞նչ երաշխիք կարող էր գոյություն ունենալ, որ Ուրֆայի հերթը նույնպես չէր գալու»։

Հայերի դիմադրության նույն պատճառն էր նշում գերմանական մեկ այլ դիվանագետ՝ Հոֆմանը⁹⁷։ Այդ են հաստատում բազմաթիվ օտարերկրացի ականատեսներ⁹⁸։

Ինչ վերաբերում է քաղաքի մահմեդական բնակչության կոտորածին, դա ևս բացարձակ կեղծիք է։ Եթե հայերը իսկապես ցանկանային կոտորել նրանց, ապա դա մեծ դժվարություն չէր ներկայացնի նրանց համար։ Հայտնի է, որ մինչև ինքնապաշտպանության սկիզբը քաղաքում կար ընդամենը 60—80 ոստիկան⁹⁹։

Թուրք պատմաբանների համար դժվար կլինի հերքել այն փաստը, որ Ուրֆայի գերմանական բարեգործական միսիայի աշխատակիցները խորհուրդ են տվել հայերին դիմադրել, չհավատալ թուրքերի խոստումներին. «...ոչ մի դեպքում անձնատուր չլինել, այլ մինչև վերջին մարդը կռվել...»¹⁰⁰։ Եթե Ուրֆայի հայերը ծրագրել էին «ապստամբություն», ինչո՞ւ Թուրքիայի զաշնակից պետության քաղաքացիները նման խորհուրդ են տվել։ Այստեղից հետևում է, որ նրանք հայերի պայքարը արդարացի էին համարում։

Երիտթուրքական իշխանությունները չկատարեցին ոչ մի հետաքննություն պարզելու հայերի դիմադրության պատճառները։ Ծիշտ է, նրանք ձերբակալեցին երկու հոգու, սակայն, ինչպես վկայում է Յ. Կյունցլերը, «նրանք դիմադրությանը չեն մասնակցել»¹⁰¹։ Պարզապես երիտթուրքական իշխանությունները ձգտում էին ազատվել վերջին վկաներից։ Նույնիսկ շինայեցիները կույրերի դպրոցի աշակերտուհիներին¹⁰²։ Գերմանական դեսպանատունը, օգնելով թուրք ջարդարարներին քողարկել իրենց հանցագործությունների հետքերը, առաջարկեց Ուրֆայի գերմանական միսիայի ծառայություններից ազատել այն

⁹⁴ Deutschland und Armenien..., S. 178.

⁹⁵ Նույն տեղում, էջ 193։

⁹⁶ Նույն տեղում։

⁹⁷ Նույն տեղում, էջ 164։

⁹⁸ Ֆայել Էլ Դոսեյն. Հերոսական հայության անցյալին, էջ 6; B. Eckart. Op. cit., S. 20; J. Künzler. Im Lande des Blutes, S. 46; Նույնի՝ Dreißig Jahre, S. 64; Deutschland und Armenien..., S. 177, 195; R. de Nougales. Op. cit., p. 153; Armenian Review. Spring 1984, vol. 37, № 1, p. 134. The Treatment of Armenians, p. 528, 532.

⁹⁹ Deutschland und Armenien..., S. 177, 195; J. Künzler. Dreißig Jahre, S. 64.

¹⁰⁰ M. S. Ingeborg. Op. cit., p. 134.

¹⁰¹ Deutschland und Armenien..., S. 233.

¹⁰² H. W. Glocker. Op. cit., p. 49.

հայերին, որոնք որևէ բարեկամական կապ են ունեցել ինքնապաշտպանների հետ: Քաղաքում մնացած հայերը ընդ կերպով մահանդականացվեցին¹⁰³:

Ուրֆայի ինքնապաշտպանական մարտերին անդրադարձել են այդ ժամանակի նշանավոր մարդիկ: Ֆրիտոֆ Նանսենը գրում էր. «Ուրֆայի հայերը զոհվեցին կատաղի պայքարից հետո»¹⁰⁴: Հայերը քաջությունը բարձր դնահատեց նաև Հանրի Բարրին. «...Ուրֆայում հայերը մի իսկական կովի մեջ մտան ռարդարանների դեմ և տեղի տվեցին միայն կառավարության կողմից ուղարկված զորքի բազմաքանակությանը»¹⁰⁵:

Ուրֆայի հայերի քաջությունը ընդունեց նաև Թշնամին՝ Ֆահրի փաշան. «Ինչ կլինենք մեր վիճակը, եթե այս ծանր օրերին մի քանի Ուրֆաներ մեր դեմ ալդակես ծառանային»¹⁰⁶:

Ուրֆայի այս ինքնապաշտպանությունը հերոսության մի փայլուն էջ ավելացրեց հայ ժողովրդի պատմության մեջ:

ИЗ ИСТОРИИ ГЕРОИЧЕСКОГО СОПРОТИВЛЕНИЯ г. УРФЫ В 1915 ГОДУ

Р. О. СААКЯН

Резюме

В начале 1915 г. на всей территории Османской Турции произошли массовые погромы и депортации армян. В некоторых местах армяне оказали упорное сопротивление турецким погромщикам. Мужественно оборонялись жители Вана, Шагин-Каракисара, Сасуна и других мест. Армянское население г. Урфы, забаррикадивавшись в армянском квартале города, с 29 сентября по 23 октября мужественно сопротивлялось турецким регулярным войскам. С помощью артиллерии туркам удалось сломить сопротивление армян. Весь армянский квартал был разрушен, разграблен и уничтожен. Из 35 тысяч армян в живых осталось 15 тысяч, которые были депортированы.

¹⁰³ Deutschland und Armenien..., S. 199, 226, 233.

¹⁰⁴ Геноцид..., с. 587.

¹⁰⁵ Նույն տեղում, էջ 463:

¹⁰⁶ ՀԺԳ. հ. 6, էջ 573. Յե՛ն հեռ. Y. Ternon. Op. cit., p. 224.